

UDIN Un premi di laurea in memorie de zovine sassinate intant che e faseve jogging su la Ipovie dal Cormôr.

Par memoreâ Silvia

La universitât dal Friûl e à istituît un premi di laurea in memorie di Silvia Gobbato, la zovine sassinate ai 17 di Setembar intant che e faseve jogging su la Ipovie dal Cormôr. Il premi, dal valôr di trê mil eûros, al è riservât a studentis e students dal Ateneu furlan che a finaran i studis di aree juridiche intal an academic prossim, aprofondint il teme de violence viers des feminis.

Silvia Gobbato, che e jere daûr a fâ il praticantât intun studi legâl, si jere laureade in maniere brillante in Jurisprudence cun 110 e laude propit a Udin intal 2009, e, intal 2006, e veve frecuentât une des primis edizions dal cors "Feminis, politiche e istituzioni" attivât dal ateneu.

La iniziative de universitât furlane e ven pôcs dis dopo di chê dal ordin dai avocats che dilunc di una cerimonie i à consegnât in maniere simboliche ae famee de fantate sfortunade une toghe di avocat. Intant la Procure di Udin e à incjariât il psichiatri Vittorino Andreoli di fâ une perizie su la personalitât di Nicola Garbin, l'om di Çuian che al à confessât di vè copât la zovine cun 12 curtissadis.

A van indevant ancje lis investigations dai carabinieri sui reverts secuestrâts intes dôs abitazions, chê dai gjenitôrs e chê dai nonos maternis, a disposizion dal zovin e inte sô machine, intant che si spietin i risultâts dai

esams dai Ris di Parma sui vists che Garbin al veve sù la di dal omicidi.

Il cuadri di ce che al è sucedût pôc prime des 14.00 di martars ai 17 di Setembar, però, aromai



Silvia Gobbato

al è clâr ancje su la fonde des declarazions fatis dal sassin e che a à cjatât grandis confermis.

Garbin, student fûr cors di Inzegnarie, cence ocupazion, al à sclarît di jessi lâf fûr di cjase armât di un curtis cul intindiment di fâ un rapiment par vuadagnâ un pôc di bêçs. Al à lassât la machine dongje dal cimiteri di Udin e al è lâf a pît viers de Ipovie dal Cormôr, il percors frecuentât par solit di ciclistisj e po-

discj. Rivât ae strade comunâl di Brisons, tra Culugne e Plain, si è impostât daûr arboissits e al à spietât plui o mancul una ore la ocasion di jentrâ in azion. Tor des 13 Silvia Gobbato e je à rivade là de Ipovie cul amî e colleague Giorgio Ortis par fâ un pôc di jogging. Cemût che al succedeve par solit, inte ultime part dal percors Ortis, che al coreve plui svelte, le à lassade indaûr, fermanstsi a spietâle plui indenant tune banche.

Al è stât alore che Garbin che al à agjît. Metût sù capuç e manecis al è lâf fûr da arboissits e si è avvicinat ae fantate corint. Le à sielte, al à contât, parcè che e jere bessole e, lant planc, al jere facil cjapâle. La zovine e à sintût alc e si è zirade. Viodint l'om che al impugnavo il curtis e à scomençât a berlâ. Garbin al à cirût di fâle tasê metintji une man su la boeje. Jê e à reagjît e lui al à pierdût il control scomençant a dâi cul curtis. Dopo al à strissinât il cuarp intun boscut e al è scjam-pât, continuant però a lâ ator sul lûc dal delit.

Doi dis dopo una patulie dai carabinieri lu à notât intant che al zirave in biciclete des bandis dal centri comerciâl Citât Fiere di Martignâ. Al veve cun se une borse, drenti a jerin il curtis di cusine e i vistis spores di sanc. "Mi vês beçât", al à dite cuant che i oms de Arme lu à fermât.